

ВЯЧЕСЛАВ  
БАБИН

**ОРДЫМ**

## СЬӖЛӖМШӖР

**КЫВБУРЪЯС**



Бабин Вячеслав Леонидович чужис 1960 воын КулӖмдін районса Усть-Нем сиктын. Помаліс шӖр школа. Ӗні сійӖ уджалӖ «Ленин туйӖд» газетса редакцияын. ЗаочнӖ велӖдчӖ Москваын, М. Горький нима литературнӖй институтын.

КывбуръяссӖ йӖзӖдліс районнӖй да республиканскӖй газетъясын, «Войвыв кодзув» журналын, «Парма гор» сборникын.

КОМИ КНИЖНӖЙ ИЗДАТЕЛЬСТВО

1989

84 Ко  
Б 25

Художник В. В. Токарев

**Бабин В. Л.**

Б 25 Ордым. Сьӧлӧмшӧр: Кывбуръяс.— Сык-  
тивкар: Коми книжнӧй издательство,  
1989.— 34 л. б.

ISBN 5-7555-0108-4

84 Ко

Б  $\frac{4702310600-020}{M 128(03)-89}$  27—89 м

ISBN 5-7555-0108-4

© Коми книжнӧй издательство, 1989.

---

\* \* \*

Чужан му дінӧ муслунӧй ӧзйӧ,  
Помся шуд аслам Войвывлы вӧзъя,  
Аслам сиктлы да аслам бур йӧзлы  
Сӧстӧм енэж ме сьӧлӧмсянь кӧсья.  
И кӧть кызди на пелӧдлас олӧм,  
Аслам ёртъяскӧд вена быд полӧм.  
Аслам пармаын пи моз со ола,  
Чужан муӧй мен мам пыдди колӧ.

## **СЬӨЛӨМШӨР**

Лайкыда-лайкыда визулыс бергөдлө-нуө,  
Онялысь сынөдын өшалө чериа көр.  
Эжваөй-мамөй, тэ кельыдлөз синъяса юөй,  
Пармалөн шөр, менам лышкыд да шань  
сьөлөмшөр.

Шывга и шывга, а морөсын долыдлун туө:  
Ыліті ветлі, да мичлуныд кыскис тай бөр.  
Эжваөй-мамөй, тэ кельыдлөз синъяса юөй,  
Пармалөн шөр, менам лышкыд да шань  
сьөлөмшөр.

Шонді гөрд пыжнас со менсьым нин веткиөс суө,  
Нюмъялө дзирдсьыс и лапта, и кырйывса вөр.  
Эжваөй-мамөй, тэ кельыдлөз синъяса юөй,  
Пармалөн шөр, менам лышкыд да шань  
сьөлөмшөр.

Дугдывтөг шензя: ок, ыджыд жө ас чужан муөй,  
Синмыд оз судз да и шевкнитөм сывъяд оз төр.  
Эжваөй-мамөй, тэ кельыдлөз синъяса юөй,  
Радейтысь пи моз ме талун со бара на шуа:  
Пармалөн шөр, менам лышкыд да шань  
сьөлөмшөр.

## КЕРЪЯС

Кытчö нö керъясöй, лунысь-лун ю кузя  
кывтанныд,  
Визувлы сетчöмныд, панъясьны зіяанныд пыр,  
Мотора пыжъяс да катеръяс ветлöны вывтiныд,  
Сöмын тай водзланьö нырччöмныд тiян оз быр.  
Вабергач бергöдлö, гыясыс венсö тшöтш  
панöны,  
Крукыштны видзöдö юшöрса ичöтик дi,  
Тöрыт кö кöдж сайын, öнi со шуныганныд тани  
нин,  
Водзö и водзö век аснырөн кывтанныд тi.  
Сидзи жö ме: кöть и унатор конъялö олöмас,  
Тшöкыдöсь чукыльяс, мунöмöс падмöдлö йир.  
Туйыс кöть повзьöдлö, некор ог петкöдлы  
полöмöс,  
Олөмлөн ю кузя водзланьö зіля, ог тiр.

## ОВЪЯС

Расовъяс, Морохинъяс, Поповъяс  
Миян сиктын медся тѳдса овъяс.  
Ёна пыдын тїян рѳдлѳн вужныд,—  
Нѳмъяс сайын енмыс сетліс чужны.  
Нѳмъяс чѳж и нимѳдїнныд асьтѳ,  
Гѳрид-кѳдзид, кыдзи нѳ он казытив?  
Кыдз оз казытив: выль олѳмсѳ дорны  
Эз тай ковмы копрасьѳмѳн корны.  
Октябрь вѳсна пуктїнныд том ловъяс  
Расовъяс, Морохинъяс, Поповъяс.  
Воис кад, и мѳд войналѳн биис  
Батькѳд орччѳн чишкаліс тшѳтш пиѳс.  
Эз и венны пежѳс сѳки, эз кѳ  
Быдѳн наысь югыд лунѳ эскы.  
Югыд лунсѳ дорйисны тай найѳ,  
Ставныслѳн Победаын эм пайыс.  
Медым шудсѳ эз нин вевтты сьѳдыс,  
Талун зїльѳ сиктса куим рѳдыс.  
Бур пример кыдз уджавны да овны,  
Сѳ ов пѳвстын налѳн прѳстѳй овныс.  
Та вѳсна и медся тѳдса овъяс  
Расовъяс, Морохинъяс, Поповъяс.

## АС МУ

Йӱз муӱн велалӱм ми шуны ылі му,  
Мӱд карӱ ветлам кӱ, то кайтам: вӱлім йӱзын.  
И збыль ӱд — кокыд мӱдарӱ оз ну,  
А кыскӱ талань, кӱні тӱдса ӱзын.

Но мыйла йӱзын?!

Коми и Тюмень,

Шӱр Азия, жар Крым да кын Аляска —  
Дзик ӱти Рӱдина, быд пельӱс муса мен,  
И быдлаын жӱ шаньӱсь-бурӱсь аскӱд.  
Дерт, абу гусятор: оз аддзы сьӱлӱм ин,  
Кор гортӱ воа вӱлӱк вуджӱм бӱрын,  
Мен сывъяс восьтӱ ичӱт чужанӱн,  
И сӱстӱм радлун морӱсӱ он тӱрӱд.  
Лӱз саридзланьӱ лӱня кывтӱгтыр  
Тадз ойдӱ Эжва лыдтӱм ёльнас-виснас.  
И буретш ичӱт чужанӱнӱй пыр  
Ме йитчи тӱкӱд нӱм кежлӱ, Отчизна!

## *СИЙӦ ЗОН ПЫДДИ*

СійӦ зон пыдди талун ола,  
Коді ме вӧсна пунктіс лов,  
Кодлы дзордзавны ӧні колӧ,  
Ас пыр вуджӧдны пӧсь любов.  
Сылы ме моза эськӧ кӧвтны  
Парма ягыслысь кӧр и мич  
Либӧ кывзыны, кызди ӧвтӧ  
Вына лов шыӧн тувсов видз,  
Сылы ме мында эськӧ радлун,  
Сылы менам кодь эськӧ вуж...  
Жаль, мый тшӧктыны оз позь кадлы,  
Жаль, мый сы пыдди ме эг чуж.

## ДӨВАЯС

Шогсө морөсад он тай йөрт өні,  
Сьөлөм нюкыртчис, быри лов:  
Орччөн дөваяс нора бөрдөны.  
А сөдз ывлаыс — ов да ов!

А лөз ю вылын ытва лөсталө,  
Гыа отыслы — пом ни дор.  
Ваас кодзувъяс шонді өзталө,  
И быд кодзув, кызд синва тор.

## **ОБЕЛИСК ДОРЫН**

Кӱдзыд из вылын ловъя дзоридз.  
Нора копыртча муыс дорӱдз.  
Кӱдзыд из вылын ловъя нимъяс,  
Верстьӱ морт, а со вазьӱны синъяс.

Кымын зон кӱдзыд изйыс ордын,  
Менам пӱль тани первой мортӱн.  
Косьӱ медводзын петис сийӱ...  
Кӱдзыд изйӱ тай пӱртис биыс.

## ВЕРМӨМ

(Баллада)

...Но сувтіс вирөн ойдөм политрук  
Да воськов бөрся воськов враглы паныд.  
А сынөдыс свинечысь вөлі сук,  
И ыркыда быд пуля өвтіс банө.

Көть роталөн гранатаыс эз коль,  
Патроныс бөръя — век жө тырмис эбөс,  
Збой командирөс пельпом саяс дзебис,  
«Ураөн» водзлань биыс вылө лэбис,  
А ротаын боецыс вөлі... нель.

Кор лөнис эрд да лыйсьөм лоис шоч,  
Бөр косісны грузин, узбек да роч,  
Көн муыс бойсьыс пыр на вөлі дон,  
Көн куйліс политрукныс — коми зон.

Скөр пон моз эргиг, кылө, пышйө враг,  
А гөра весьтын дөлалө гөрд флаг...  
«Ми вермим — эгө?» — зонмыд восьтіс син,  
— Победа, другө, — копыртчис грузин.  
— Победа! — өти кывйөн роч, узбек.  
— Ми вермим! — коми зонмыд нюмдіс сэк.

## **ВЕРСТЬӦ СИНЪЯСОН**

Лоис лӧнь ворсан пельӧсын. Тан  
Мудзӧм пиуклӧн гӧлӧсыс ямис.  
Ӧти чукӧрысь акань да танк  
Пуктіс джаджйӧ Андрюшалӧн мамыс.

Лунтыр джодж шӧрын муніс пӧсь бой,  
Бомба потласис, лыйсис «Максимка»...  
Друг кӧ «ранитчас» юр либӧ сой,  
Аслыс ичӧт салдатыслы нимкодъ.

Челядь, челядь, и мыйла нӧ пыр  
Война ті воклы — медмуса ворсӧм?  
Чача танксӧ ог вунӧд ме дыр:  
Кор тай аканьсӧ муртса эз зыр,  
Акань быттьӧкӧ «мамукой!» горзіс..

## Ю ЗАВОДИТЧАНИНЫН

Со тай Эжвайд...

быттьö вис.

Сельгö лайкыда, оз и тэрмась.

Весиг арöса кага

из

Мöдлапöлöдзыс лыйны вермас.

Регыд, ытваыс усяс кор,

Юыс нöшта на ичöt лöö.

Мый и шензыны: кывтö шор,

Мед нö кывтö да сельгö...

но öд

Öтчыд кöмкөттö пöрчыв вай,

Кевлы косьтöдыс, из под вылöд,

Видлы, ю паныд тадзи кай,

Да мед воськов джын бөр эз кылöд.

Он öд вермы! Эм гуся вын

Тайö ваыслөн, мый кöть шуан.

Коркö помöдзыс кывтлы-сын,

Аддзан: шорсяныс саридз туö!

## ПЫЖӨН

Лайкыда жө визув юыс нуө.  
Мудзи сынны. Бергөдлыштас мед.  
Төдтөм вуджөр вөтчө, но оз суөд,  
Ордйөднысө ачымөс ог сет.

Бытьё зарни сьвкнитөма кодкө  
Юлөн отас, доймө весиг син.  
Вынөн вензя кывтысь теплоходкөд:  
— Мемысь водзын веркөссө эн поткөд,  
Эн вай гыв, зарни мед оз чин.

Киө пелыс — и пыр водзө, водзө,  
Лыа көдж, то изъя джуджыд кыр.  
Эг кө тэрмась, ыркыд васыс соддзөн  
Кодзувьяссө өкті упруг тыр.

## ЁРТӨЙ

Эн и төдлы, верстьё мортөн лоин,  
Нимыд дорё содіс гора вич.  
Томмөдчан на эськө гоз-мөд воён,  
Сөмын удтө ваймысь-кисьмысь мич.  
Юрси дзор нин, чуқырыд нин уна,  
Восьлас абу важ моз тэрыб-збой,  
Ассыд кывтө медым стөча шуны,  
Мөвпалан тэ водзвыв лун и вой.  
Вуджин бисө, васө, дзик быд морсө,  
Сөвмин, ёнмин, эз тай рөкыс чег...  
Сөмын, менам пикөд кодыр ворсан,  
Видзөда да — челядь на тэ век.

## КАЛЯ

Вөрысь лэччигөн аддзывлі со мый:  
Каля — Эжвалён нэмчөжся мич —  
Котлопункт дорын кокаліс помөй,  
Ставыс вунөма, асьсө эз видз.

Апрель төлысь на, буракө, вөлі,  
И эз эскыссы весигтө мен:  
Юыс узис на йи улын чөла,  
Катша, думышти, кокасьсө сэн.

Но кор вөр весьтө лэбачыс качис,  
Збыль тай вөлөма, абу вөт —  
Медводз лунвылысь воис татчө,  
Со и шедөдө кынөмпөт.

— Коньөр каляөй, мыйла вежин  
Ассыд таланьө локтан кад?  
Өні пөткөдчан сэсса пежөн,  
Сылань дзорган, көн ю и вад.  
Лэбач вочасө быттьө шуис:  
— Помөй абу, дерт, сөянтор,  
Но өд быдтор дзик чужан муад  
Шудлань-шоныдлань кыскө-нуө,  
Аслад вынъяслы эскан кор.

## ГОЖОМЫН

Петісны покосё ая-пия,  
Водзас сувтіс нырвизь кутны бать.  
Пелька ворсё гөрбуш зумьд кийн,  
Өвтыштас — и водас турун прать.  
Мичаа да өдйё артмё уджыс:  
Діаласны видзсё гоз-мөд здук,  
Сэсся батыс мөдлаё нин вуджас —  
Пиыс сяммас, туруныс көть сук.

Швуч да швич — и тадзи лысва усьтөдз...  
Сувтыштласны горш веськөдігмоз,  
Артыштасны видзлысь пасьта-кузьта,  
Лэчтан изйён косаё — гульс-гольс,  
Сэсся бара дзоридзьяслы копыр,  
Муөдз копыр тэныд, лышкыд видз,  
Морёс судта дзоридз пөвстөд собиг  
Страдна кадад он тай төдлы лич.

Но а рытнас, кодыр ваймас пывсян,  
Корёсь пөжас мудзём кок да ки.  
Сэсся лөньём сикт пасьтала кывсяс:  
Кодлыкө тай лөсьыда жө сьывсьё —  
Батьлөн гудөк улын сьылө пи.

\* \* \*

Қор ыпнитас поэзиялөн би,  
Сэк сьолөм инас төждысла оз өшйы,  
Сэк кевман аслыд: дырджык медым өзйө,  
Мед вильыш төвру оз нин пөдты-ви.

Да сөмын төлыд кывзысяс мөй дыр,  
Өд сылы, йөйлы, тырмымөн и здукуыс:  
Став мөвптө юрсьыд пуркнитас да дзугас,  
И бипурсьыд нэр өгыр лоас пыр.

\* \* \*

Велалан да уна оз и ков,  
Луныс-войыс коляс кө и — ладнө.  
А өд тадзи нитшсялө том лов,  
Нимыд вошас медся дженьыд каднас.

Ичөтторйысь сьөлөмлы кө бур,  
Ыджыдторсьыс регыд кутан повны.  
Көсьян кө нин вылын кутны юр,  
Қолө асьтө помся нөйтіг овны.

## *ОГ ЭСКЫ*

Чери кульмигас эновтö пöк,  
Мöдлы колькъяссö пукталö кöк,  
Овлö-й, мортыд на быдтассö кольö...  
Сöмын тайö нö морт? Тайö — вольöс,  
Менам сы вылö оз тырмы лөг,  
И ог эскы, кöть кодкö сэн дольö,  
Дзик пö öткодь став мамыслөн рök.

## НУӦДА

Шыльыд мир туйысь кежи,  
Зуркыд ордымӧд сетчи,  
Ньӧжмыд воськолӧс вежи,  
Ӧддзи сы бӧрся, сэтчӧ,  
Коді ас туйӧд муніс  
Повтӧг аскиа лунӧ.

Коркӧ нырщикӧс суи —  
Сылӧн ныжмӧма черыс.  
— Ноко, вешйыштлы, — шуи, —  
Видла вӧчны выль керас.  
Ӧні йӧзсӧ нин аскӧд  
Нуа сэтчӧ, кӧн аски.

## **ШОЙЧЧЫ, ШОНТЫСЬ**

Ёна жö нин чöскыд вöли гычыс,  
Эг и тöдлы, тасьтi бырис кыдзи,  
А тэ нöшта кöза йöв на вайин,  
Номсасьышт пö тайöн öти сайын.

Сэссия небыд вольпась, джуджыд юрлöс —  
Тадзсö сöмын гортын узыны сюрлис.  
А мöд луннас колльöдны тшöтш петин,  
Ассьыд китö надеяөн сетин:

— Виччыся, кор, ёртöй, бара локтан,  
Пырав быть, эн ордйöд керка боктi.  
Туй мортыдлы öдзöс абу пöдса —  
Ветлöм-мунöм аслым бура тöдса.

— Но öд,— нюмдi,— пемыдыд кö суас,  
Тэ моз быдөн «шойччы, шонтысь» шуас.

## МАМУК

(Н. Краснова серти)

*„Абу сэтшөм мортыс  
Кутшөм рөднөй мам“*

Пызан сайын пукалам да вашкам,  
И ог мудзлөй сёрнитнысö, гашкө,  
Мамным вошлас, сэсса лоас орччөн,  
Дзоргö, медым көвдумыс оз сотчы.  
Видзöда, а сьөлөм весиг доймö:  
Мортыд тшöтш тай ставыс моза воймö.  
Гырысьöсь нин ми, көть бöрд, көть серав,  
Мамным медся ичöt, мый нин керан.  
Сöмын сийö ставнымысь на мывкыд,  
Бöрд көть серав, ловнас дзик том ныв кодь.  
Пöся эскиг, надейтчöмөн локтам  
Сы дорö ми радлуннам и шогнам.  
Збыль тай вöлөм, абу сэтшөм мортыс,  
Кызди мамук — медся дона ёртыс.

## КЛЮЧ

Дзик пристань весьтас Усть-Куломын  
Эм кӧдзыд ваа сӧстӧм ключ.

Быд ветлысь — пӧрысьыс и томыс —  
Тан веськӧдӧны горш да муз.

Вит воськов сайын Эжва кывтӧ,  
Но сӧтысь некоді оз ю:

Ӧд катер-пыжъяс понда вывті  
Сӧд няйтӧдз гудыртчӧма ю.

А ключас ваыс кӧдзыд-кӧдзыд,

А ключас ваыс — ма оз ков.

Руд лыа костӧд пычкысь сӧдзыс

Кӧть тӧв, кӧть жар — век лӧптӧ лов.

И теплоходыввса тшап юнга

И дебаркадерса сюсь кок

Оз юӧ, ключӧ дозсӧ дзумгӧ

Да нуӧ пуны шyd ли рок.

И ме тшӧтш васӧ татысь юла

Пинь пыр, мед кӧдзыдыс оз сот,

И, овлӧ, бергӧдчыла юлань

Да думысь: «А ӧд коркӧ,— шула,—

И тӧнад сӧдз жӧ вӧлі от».

## ПЫШКАЙ

Кильчө пос вылысь аддзи сійӧс —  
Кынмӧм тупыльтор, эз нин лег.  
Кодыр меліа босьті киӧ,  
Сӧмын син пӧвсӧ восьтіліс сэк.

Шонті асывбыд морӧс бердын,  
И ӧд ловзис — он эскы пыр,  
Сэсса нянь чирйӧн, шыдӧсӧн верді,  
Гортын жбыръяліс бура дыр.

И кӧть ывлаын ышмис турӧб,  
Сэтчӧ видзӧдіс, мӧдлаӧ — эз,  
Ӧшинь жугӧдны ичӧт юрӧн  
Кӧсйис сійӧ да шедӧдны мезд.

...Лӧнис турӧб да тӧв кор эз пӧлясь.  
Восьті ӧшиньӧс: лэбзы, ог кут.  
Ме ӧд тӧда жӧ: вӧльнӧйлы вӧля,  
Абу сӧян да шоныдын шуд.

## **ВЕНЗЬӦМ**

Йинёнъ нырсӧ нюжӧдӧма Март,  
Дӧзмӧма, мый дзескӧдӧ Апрельыс:—  
— Ассым пайӧс турӧб эг на гарт,  
А тэ босът да шондӧн нин дэльӧд.

А тэ босът да жоньясӧн нин сыв,  
Уркайпи на эз ӧд петав горссыс,  
Бӧбйӧдла кӧ вежон ывла выв,  
Бытьӧ тайӧн ыджыдтор зэв ворссян!

— Тэ кӧть, Мартӧй, тулысылӧн юр,—  
Збой Апрель оз сетчы, дольӧ ассыс,—  
Эн вай ышнясь, Войланьынджык дур:  
Тані йӧзыс пӧрчисны нин пасьяс.

## **ТӨДСА ОРДЫМ**

Бара восьлалам Зөридз ю бокөд,  
Руа сынөдыс ыркөдө лов.  
Бытьё вунөма вөралан могыд —  
Өні прөмысыд весиг оз ков.

Уна көдж сайё вөр керка коли,  
Сөмын таысь мөй ёртъяслы шог,  
Чайнад юкталас пармаса ёльыс,  
Узыны лэдзас быд пу — шойччы лок.

Водзё писькөдчам, мунам и мунам,  
Орччөн вегыльтчө юыслөн кыр.  
Көсьям казыштны ставсө, мый вуні,  
Мыйсө сюрлі тан вуджөдны-нуны,  
Мыйыс вөрзёдө сьөлөмтө пыр.

## **ГОЖОМ ПОМ**

Бара вoсьлалö Войвылöд август,  
Бара ляпкалiс енэжлөн вад,  
Небыд коръяса сынöдсö плавгис  
Тшака, вотöса, прöмыса кад.

Рытя ыркыдсьыс гажтöмтчöм кыла,  
Лэбысь кельöбыс горöдлас кор.  
Тайö — гожöмлөн медбөръя сьылöм,  
И, дерт, та вöсна медся на мыла,  
Медся муса,  
и неуна нор.

## ГУСЬӨН

Өні улич вылө кӧть эн петав,  
Кӧдзыд зэрыс лун и вой оз дугды.  
Гежмӧм коръяс өшинь улысь летӧ  
Шуштӧм тӧлыс. Кор нин, кор нин югдас?  
Кымӧр сайӧ шондӧ кӧн нин воши,  
Гудыртчис да сера лоис ывла,  
Эг и тӧдлы, кисьмис баба гожӧм,  
Кызди пуксис арыс, эг и кывлы.

## МЕ ЮСЬЛЫ МОЗ ТЭНЫД ЭСКА

Ме юсьлы моз тэныд эска,  
Да пола варышысь моз.  
О, вöлім кө öткодьöн, эськö  
Ми важöн нин лöсьöдiм поз.

Тэ дозмөр моз вунöдлан асьтö,  
Но тар öд на вежлалан дум.  
Ме кора: вай важсö эн казьтыв  
Да дзебыштлы ворсöдчан нюм.

Дзик байдöглысь босьтöмыд мичсö.  
Но синмыд тай кутшлөн кодь ёсь.  
Эн медводз кө видзöдлы сiдзсö,  
Сэк менö, дерт, кыйны эз позь.

Ме юсьлы моз тэныд эска,  
Да пола дзик варышысь моз.  
Тшöтш вöлі кө лэбач кодь, эськö  
Ми важöн нин лöсьöдiм поз.

## **СЬЫЛАН КАД**

Сэтөр синъяс, оз тусь кӧра вом дор,  
Коркӧ таысь пӧтла али ог?

Ме ог эскы, шогсян кад пӧ томдыр,  
Сэк, кор пышъяс сійӧ, гашкӧ-й шог.

Но а ӧні, морӧсын кор чукийӧн  
Пуӧ муслун, сӧнын ворсӧ вир,  
Верма вуджны медся вӧра чуркийӧд,  
И оз повзьӧд медся джуджыд йир.

Кодыр сьывсьӧ — шогсьыны мӧй  
понда,

Сьылан кадыс оз ӧд сэсся лок.

Сэтӧр синъяс, оз тусь кӧра вом дор —  
Коркӧ таысь пӧтла али ог?

## **КАЗЬТЫШТИ**

Сэтшөм кокни сьөлөмын да юрын,  
Быттьө сылөм лымкөд пышйис шог,  
Сота лудын кольөм вося турун,  
Чөскыд көрыс, мед көть сійө ёг.

Тадз жө вөлі мекөд воддза тулыс,  
Тадз жө сотчис дзоридзавтөдз луд.  
Сөмын өні муслун лолөс нюлө,  
Но а сэки — челядьдырся шуд.

## **ВЕСЬКОДЬЛУН**

Войпока да Лунпока,  
Вапёлка да Дзоль —  
Вой бокас и лун бокас,  
Вёрын и кён ёль,  
Нюркөд орччөн, керёсын —  
Быдлаын тэ дзик  
Юковтчөмыд керасөн  
Ичөт коми сикт.  
Тані важөн овлісны  
Сюсь да уджач йёз,  
Парма паськөм новлісны,  
Вердіс парма чös.  
Ытшкисны покосьясын,  
Вөдитісны нянь,  
Нималіс колхозъясын  
Мужичөй и ань.

Өні — вёрыс гежөдмис,  
Гөгөр туй да пос.  
Медым талань кежөдны  
Ордым эм, и кос.  
Сөмын оз тай унаөн  
Кутны талань пыр,  
Грездыс шогө сунөма,  
Гажтөм, пемыд пыр.  
Эновтісны, мунісны  
Мужичөй и ань,  
Керкаясыс вунісны,  
Абу пон ни кань.  
Волывлөны вотчыны,  
Қыйны чери, ур.  
А вот овны кольччыны

Көсйысьыс оз сюр.  
Кураласны, нуасны  
Ставсө. Да и шань.  
Аттьö коть мед шуасны  
Мужичöй да ань.  
Кыйкнитласны веськодя:  
Со пö — эндö видз,  
Вына муыс. Веськыдыс —  
Вөрсялö жö сідз.  
— Ми районын, каръясын  
Тэчим-чөжим поз.  
Деревняд — аръясын,  
Векджык шойччигмоз.  
Йöвнад-яйнад могмөдны —  
Мед совхоз оз узь.  
Сылөн муяс шогмöны,  
Паськыд эм и кузь.  
Сылы вына тракторъяс  
Отсасьöны пыр,  
Да мелиораторъяс  
Бертöны пу-мыр.  
Вунөм сиктысь омöля  
Йöзлөн бырö гаж.  
Сійөн — йöрын понöльяс,  
Шорын — сісьмөм краж.  
Сійөн — тасъяс öшинын,  
Сійөн — пелысь пу  
Копыртчöма-өшйöма  
Тэлань, эндөм му.  
Раскерөс да Вөркерөс,  
Краснояр да Вань...  
Мый нö эськө бөр керам  
Мужичöй да ань?  
Мед крестьянскöй овмөсным  
Ловзяс-югзяс бөр.  
Мед эз миян ловъясным  
Эндыны, кыз йөр.

## **ЮРИНДАЛЫСЬ**

«Чужан му дінö муслунöй öзйö...» . . . . .	1
Сьöлөмшөр . . . . .	2
Керъяс . . . . .	3
Овьяс . . . . .	4
Ас му . . . . .	5
Сййö зон пыдди . . . . .	6
Дөваяс . . . . .	7
Обелиск дорын . . . . .	8
Вермөм . . . . .	9
Верстьö сивъясөн . . . . .	10
Ю заводитчанинын . . . . .	11
Пыжөн . . . . .	12
Ертöй . . . . .	13
Каля . . . . .	14
Гожöмын . . . . .	15
«Кор ыпнитас поэзиялөн би...» . . . . .	16
«Велалан да уна оз и ков...» . . . . .	17
Ог эскы . . . . .	18
Нуöда . . . . .	19
Шойччы, шонтысь . . . . .	20
Мамук . . . . .	21
Ключ . . . . .	22
Пышкай . . . . .	23
Вензьöм . . . . .	24
Тодса ордым . . . . .	25
Гожöм пом . . . . .	26
Гусьöн . . . . .	27
Ме юсьлы моз тэныд эска . . . . .	28
Сьылан кад . . . . .	29
Казьтышти . . . . .	30
Веськодълун . . . . .	31

10 к.

*Вячеслав Леонидович Бабин*

**ДУША МОЯ**

*Стихи на коми языке*

Редактор *А. В. Тентюков*  
Художественный редактор

*В. Б. Осипов*

Технический редактор

*А. Н. Вишнева*

Корректор *Н. Ф. Габова*

ИБ № 1345

Сдано в набор 31.03.89. Подписано  
к печати 16.06.89. Ц01933. Формат  
70×90<sup>1</sup>/<sub>32</sub>. Бумага № 2. Гарнитура  
«Литературная». Печать высокая. Усл.  
печ. л. 1,17. Усл. кр.-отт. 1,46. Уч.-изд. л.  
0,8. Тираж 1000. Заказ № 4107. Цена  
10 коп. Коми книжное издательство.  
167610, г. Сыктывкар, ул. Карла  
Маркса, 229.

Головное предприятие Коми республи-  
канского полиграфического производ-  
ственного объединения. 167610, г. Сык-  
тывкар, ул. Первомайская, 70.